

SCRIPT OF MORNING GOJRI NEWS BULLETIN 5JULY 1015 HRS

ما رنینگ گو جری نیوز بلیٹن مورخہ 5 جولائی 2025

یوہ آکا شوانی جموں بے عبدالرحمان تیں خبر سٹو۔

LG SERVICE PROVIDERS

لیفٹیننٹ گورنر منوجسنا نے گزشتہ روز بالٹال بنیادی کیمپ گو دورو کی و تے امرناتھ یاترا غی خدمت کرن آلا تے یاتریاں تیں ملاقات کی انہاں نے یاترا نانہ محفوظ تے آرام دن بنان آلا تمام اداراں غی کوششاں نانہ سہرا یو یاتریاں نے خوشی تے شکر گزاری غو اظہار کرتا واں کہیو کہ وے اس پوتر یاترا غو حصو بن غے خود نانہ خوش قسمت محسوس کر رہیا ہیں ایل جی موصوف نے یقین دوايو کہ انتظامیہ ہر ممکن مدد فراہم کرے غی تانجے امرناتھ یاترا پُرامن تے یاد گار بن سکے۔

CM SKUAST

وزیر اعلیٰ عمر عبداللہ نے کہیو کہ جموں کشمیر ایک معاشی سماجی تے سیاسی تبدیلی غا رستہ ور بے تے نوجواناں نانہ اس تبدیلی غو سرگرم حصہ بنن غی ضرورت ہے و ہ کشمیر زرعی یونیورسٹی سکاسٹ غا 6ویں کنوکیشن مانہ خطاب کر رہیا تھا انہاں نے گرجیوٹ ہوا طلبہ تیں کہیو کہ وہ ایک نوا جموں کشمیر غا معمار بنیں نوجواناں نانہ خاص طور پر زراعت تے ان تیں منسلک شعباں مانہ روزگار غا مواقع پیدا کرن غی ترغیب دتی۔ انہاں نے مزید کہیو کہ نوجوان علم غے نال ہمدردی تے حوصلو جوڑ غے اپنا علاقہ غا بہتر مستقبل غی بنیاد رکھیں۔

CS HYDRO PROJECTS

چیف سیکرٹری اٹل ڈلو نے جموں کشمیر گا مختلف دریاواں ور جاری پن بجلی منصوباں غی تیزی تیں تکمیل واسطے ایک اجلاس غی صدارت کی انہاں نے پن بجلی نانہ مرکزی زیر انتظام غی معشیت غی ریڈھ غی بڈی قرار دیتا واں تمام متعلقہ اداراں تیں مل غے کم کرن ور زور دتو تانجے منصوباں وقت ور مکمل ویں انہاں نے کہیو کہ پن بجلی توانائی غی خود کفالت صنعتی ترقی تے روزگار غا مواقع پیدا کرن واسطے نہایت ضروری ہے تے اجلاس مانہ پن بجلی نانہ پائیدار ترقی غو ذریعو بنان غا حکومتی عزم غو اعدا و کیو گیو۔

4TH BATCH SANJY

سخت حفاظتی انتظامات غے تحت 6979 یاتریاں غو چوتھو قافلو بھگوتی نگر یاتری نواس بنیادی کیمپ جموں تیں امرناتھ گپھا غا ا درشناں غی خاطر وادی کشمیر واسطے روانہ ہوو ہے یہ یاتری اج سویرے 312 گڈیاں گا قافلہ مانہ بنیادی کیمپ تیں روانہ ہوا ہیں اس جتہ مانہ 5796 مرد 827 خواتین 24 بچہ 247 سادھو 84 سادھوی یعنی کہ خواتین سادھو تے ایک خواجہ سرا شامل ہیں ان وچوں 2753 یاتری بالٹال بنیادی کیمپ واسطے روانہ ہوا تے 4226 یاتری پہلگام بنیادی کیمپ واسطے گیا ہیں جتوں وے شری امرناتھ پوتر گپھا ور حاضری غی خاطر اپنا اگلہ مرحلہ گو سفر در روانہ وینگا۔

IGP SECURITY

کشمیر پولیس غا انسپکٹر جنرل وی کے برری نے اہم مزہبی تقریبات غے دوران سلامتی نانہہ یقینی بنان غا ایک اہم قدم غا طورور امرناتہہ یاترہ تے محرم غے دوران مربوط حفاظتی انتظامات غی تفصیلی وضاحت کی اُنہاں نے یقین دہائی کروائی جے یاترہ تے محرم دواں غا پُرامن تے محفوظ انعقاد نانہہ یقینی بنان واسطے تمام ضروری اقدامات کیا گیا ہیں۔ پولیس علاقائی مزہبی رہنماواں تے مقامی عہد داراں غے سنگ قریبی رابطہ مانہہ بے تانجے کسے وی تشویش غو بروقت ازالو کیوجاسکے۔ آئی جی پی موصوف نے کہیو جے جموں کشمیر پولیس امن عوامی نظم وضبط تے تمام شہریاں غی پہلائی بہتری نانہہ برقرار رکھن غا اپنا عزم ور قائم ہے۔

MUHARRAM

یام عشورہ جہڑو اسلامی سال غا پہلا مہینہ محرم غی دسویں تاریخ نانہہ وے تے خاصکر شعبہ مسلمان واسطے سب تیں اہم یوم سوگ ہے ایک اتوار 6 جولائی نانہہ منایو جے غو۔ اس دن نانہہ گہرہ احترام غے سنگ یاد کی وجے خاص طور ور شیعہ برادری غی طرفوں مجالس منعقد کی جیں تے مرثیہ پڑھیا جیں تے جلوس وی کٹیا جیں بہت سارہ لوک امام حسین رضی اللہ تعالہ غا غم مانہہ یکجہی گا طور ور ماتم وی کریں۔ محرم غو مہینو مسلماناں واسطے عقیدت غورو فکر تے اتحاد گو وقت وے تے اس نانہہ قربانی صبر تے حق غی کاظر جدو جہد غی علامت سمجھیو جے 10 محرم غو دن نواسہ رسول حضرت امام حسین رضی اللہ تعالیٰ تے اُن غا ساتھیان غی کربلا مانہہ عظیم قربانی غی یاد دواوے جس دن ملک پھر مانہہ مسلمان مجالس منعقد کریں انتظامیہ غی طرفوں اس دن غی خاطر سخت حفاظتی انتظامات کیا گیا ہیں۔

BGSB URS

ڈپٹی کمشنر راجوری ابھیشیک شرما تے اُت غا ایس ایس پی گورو سکارور نے سانجھہ طور ور شاہرہ شریف درگاہ ور ایک جائیزہ میٹنگ غی صدارت کی تانجے حضرت بابا غلام شاہ بادشاہ رحمت اللہ علیہ غا دو روزہ سالانہ عرس غا انتظامات نانہہ حتمی شکل دتی جاسکے جہڑو اج تیں منایو جارہیو ہے اس میٹنگ غو مقصد ملک گا بکھ بکھ حصاں تیں درگاہ ور حاضری دین آلا عقیدت منداں واسطے آسان تے پرامن انتظامات نانہہ یقینی بنانو ہے اس جائیزہ میٹنگ غے ودران ٹرانسپورٹ تے ٹریفک غا ضوابطہ بجلی غی فراہمی پین آلا پانی غی سپلائی تے دوجی ضروری سہولیات جیسا اہم پہلواں ور غور کیو گیو تانجے زائرین نانہہ ایک ہموار روحانی طورور فائدہ مند تجربو فراہم کیو جاسکے۔

BAL PURUSKAR

بھارتی حکومت نے پردھان منتری راشٹریہ بال پورسکار 2025 واسطے نامزدگی غیدعوت دتی ہے یوہ اعزاز 5 تیں 18 سال غا بچاں نانہہ بہادری سماجی خدمت ماحولیات کھیل فن او ثقافت یا سائنس او ٹیکنالوجی گا شعبواں مانہہ نمایا کارکردگی ور دتو جے۔ اگر تم کسی وی ایس ایچہ نانہہ جانیں تے فوراً اُس گو نامزد کریں اندراج واسطے ور جیں تے داخلو 31 جولائی 2025 تیں پہلاں جمع کرائیں تے <http://awards.gov.in> ملک غا ہونہار بچاں نانہہ اُن غی قابلیت غوصیح مقام دوان مانہہ مارو ساتھ دیں۔
